

竹書紀年補證

竹書紀年

補證

道光庚子

竹柏山房

少時家鮮藏書偶於友人案上見廿一種祕書乃得讀竹
書紀年而好之從其借鈔且喜且駭愛其奇而未以爲信
也詢諸博雅則皆以爲出自後人綴輯非原書之舊故考
據家無取焉於是廢而不講者有年旣乃泛濫百家浸淫
傳註見夫郭景純酈道元司馬貞臣瓚王劭李善諸家以
及十三經正義太平御覽之所徵引往往足以正其脫誤
證其異同補其缺略而後知此書之流傳者遠顧後人不
以爲意聽其斷爛不修而補之證之之不可以已也然尙
以堯元丙子與世史柄鑿爲疑乃取邵子皇極經世之說
究所自來證以皇甫謐之帝王世紀劉歆之三統歷鄭樵
之通志而折衷於史記魯世家之年而後知紀年之有合
而邵子經世之無徵不信未足爲典據也明代黃石齋精

於數學其所著貞圖緯上溯堯年迄於三代率出入紀年
近人梁玉繩有史記志疑之作亦多據竹書以正史之失
於是信之彌篤擇其善本旁考諸家所引附註其下然後
訛者可訂缺者可補異者可參而又有以見當日流傳之
非一本而後人徒舉其一而疑其餘者皆刻舟之見也書
雖簡略而包羅頗廣其正者與經史相表裏奇者往往出
入於山經穆傳周書之間爰爲疏通證明標其同異編終
復取後人之所以致疑者反覆辨論統爲後案庶幾殘編
斷簡不終泯沒於是非之口則謂之大有資於考據也可
後之覽者安知不與余有同嗜耶道光十有八年歲在戊
戌秋九月三山林春溥序

竹書紀年目

卷一

黃帝軒轅氏

帝摯少昊氏

帝顓頊高陽氏

帝嚳高辛氏

帝堯陶唐氏

帝舜有虞氏

帝禹夏后氏

帝啓

帝太康

帝仲康

帝相

帝少康

帝杼

帝芬

帝芒

帝泄

帝不降

帝扃

帝廩

帝孔甲

帝昊

帝發

帝癸

卷二

殷商成湯

外丙

仲壬

太甲

沃丁

小庚

小甲

雍己

太戊

仲丁

外壬

河亶甲

祖乙

祖辛

開甲

祖丁

南庚

陽甲

盤庚

小辛

小乙

武丁

祖庚

祖甲

馮辛

庚丁

武乙

武丁

帝乙

帝辛

卷三

周武王

成王

康王

昭王

穆王

其王

懿王

孝王

夷王

厲王

宣王

幽王

卷四

平王

桓王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

威烈王

安王

烈王

顯王

慎靚王

隱王

竹書本末

杜預左傳後序曰太康元年三月吳寇始平予自江陵還襄陽解甲休兵乃申舒舊意修成春秋釋例及經傳集解始訖會汲郡汲縣有發其界內舊冢者大得古書皆簡編科斗文字發冢者不以爲意往往散亂科斗書久廢推尋不能盡通始者藏在祕府余晚得見之所記大凡七十五卷多雜碎怪妄不可訓知周易及紀年最爲分了周易上下篇與今正同別有陰陽說而無彖象文言繫辭疑於時仲尼造之於魯尙未播之於遠國也其紀年篇起自夏殷周皆三代王事無諸國別惟特記晉國起自殤叔次文侯昭侯以至曲沃莊伯莊伯之十一年十一月魯隱公之元年正月也皆用夏正建寅之月爲歲首編年相次晉國滅

獨記魏事下至魏哀王之二十年蓋魏國之史記也推按
哀王二十年太歲在壬戌是周赧王之十六年秦昭王之
八年韓襄王之十三年趙武靈王之二十七年楚懷王之
三十年燕昭王之十三年齊湣王之二十五年也上去孔
丘卒百八十一歲下去今太康三年五百八十一歲哀王
於史記襄王之子惠王之孫也惠王三十六年卒而襄王
立立十六年卒而哀王立古書紀年篇惠王三十六年改
元從一年始至十六年而稱惠成王卒卽惠王也疑史記
誤分惠成之世以爲後王年也哀王二十三年乃卒故特
不稱諡謂之今王其著書文意大似春秋經推此足見古
者國史策書之常也又稱魯隱公及邾莊公盟于姑蔑卽
春秋所書邾儀父未王命故不書爵曰儀父貴之也又稱

晉獻公會虞師伐虢滅下陽卽春秋所書虞師晉師滅下陽先書虞賄故也又稱周襄王會諸侯于河陽卽春秋所書天王狩于河陽以臣召君不可以訓也諸若此輩甚多略舉數條以明國史皆承告據實而書時事仲尼修春秋以義而制異文也又稱衛懿公及赤狄戰于洞澤疑洞當爲洞卽左傳所謂熒澤也齊國佐來獻玉磬紀公之獻卽左傳所謂賓媚人也諸所記多與左傳符同異於公羊穀梁知此二書近世穿鑿非春秋本義審矣雖不皆與史記尙書同然參而求之可以端正學者又別有一卷純集左氏傳卜筮事上下次第及其文義皆與左傳同名曰師春師春似是鈔集者人名也紀年又稱殷仲壬卽位居亳命卿士伊尹仲壬崩伊尹放太甲于桐乃自立也伊尹卽位

放太甲七年太甲潛出自桐殺伊尹乃立其子伊陟伊奮命復其父之田宅而中分之左氏傳伊尹放太甲而相之卒無怨色然則太甲雖見放還殺伊尹而猶以其子為相也此為大與尙書敘說太甲事乖異不知老叟之伏生或致昏忘將此古書亦當時雜說未足以取審也為其麤有益於左氏故略記之附集解之末焉

晉書束皙傳曰初太康二年汲郡人不準盜發魏襄王墓

或言安釐王冢得竹書數十車

晉書武帝紀曰咸寧五年汲郡人不準掘魏襄王冢

得竹簡小篆古書十餘萬言藏於祕府

其紀年十三篇記夏以來至周幽王

為犬戎所滅以事接之三家分仍述魏事至安釐王之二

十年蓋魏國之史書大略與春秋皆多相應其中經傳大

異則云夏年多殷益于啓位啓殺之太甲殺伊尹文丁殺

季歷自周受命至穆王百年非穆王壽百歲也幽王

當作厲王

既亡有其伯和者攝行天子事非二相共和也其易經二篇與周易上下經同易繇陰陽卦二篇與周易略同繇辭則異卦下易經一篇似說卦而異公孫段二篇公孫段與邵陟論易國語三篇言楚晉事名三篇似禮記又似爾雅論語師春一篇書左傳諸卜筮師春似是造書者姓名也璣語十一篇諸國卜夢妖怪相書也梁丘藏一篇先敘魏之世數次言王藏金玉事繳書二篇論弋射法生封一篇帝王所封大歷二篇鄒子談天類也穆天子傳五篇言周穆王游行四海見帝臺西王母圖詩一篇畫贊之屬也又雜書十九篇周食田法周書論楚事周穆王美人盛姬死事大凡七十五篇七篇簡書折壞不識名題冢中又得銅

劍一枚長二尺五寸漆書皆科斗字初發冢者燒策照取
寶物及官收之多燼簡斷札文既殘缺不復詮次武帝以
其書付祕書校綴次第尋考指歸而以今文寫之晁在著
作得觀竹書隨疑分釋皆有義證

晉書王接傳曰時祕書丞衛恆考正汲冢書未訖而遭難
佐著作郎束皙述而成之事多證異義時東萊太守陳留
王庭堅難之亦有證據皙又釋難而庭堅已亡散騎侍郎
潘滔謂接曰卿才學理議足解二子之紛可試論之接遂
詳其得失摯虞謝衡皆博物多聞咸以爲允當

隋書經籍志曰帝命

中書監荀勗令和嶠撰次爲十五部八十七卷惟周易紀
年最爲分了紀年文意大似春秋經今依其世代編而敘
之以見作者之別謂之古史所述多與杜預同

荀勗穆傳敘曰古文穆天子傳者太康二年汲縣民不準

盜發古冢所得書也皆竹簡素絲編以臣勗前所考定古

尺度其簡長二尺四寸以墨書一簡四十字汲者戰國時

魏地也

荀勗傳曰乃得汲冢中古文竹書詔勗撰次之以爲中經列在祕書

晉書儒林傳續咸有汲冢古文釋十卷行於世

隋經籍志紀年十二卷注云汲冢書並竹書同異一卷

唐藝文志紀年十四卷

宋藝文志竹書三卷荀勗和嶠編

黃伯思東觀餘論曰案晉太康二年汲郡民不準盜發魏襄王冢得古竹書凡七十五篇晉征南將軍杜預云別有一卷純集左氏傳卜筮事上下次第及其文義皆與左傳同名曰師春師春似是鈔集人名也今觀中祕所藏師春乃與預說全異預云全集卜筮事而此乃記諸國世次及